

**"ТАСДИҚЛАНГАН"**  
"Ховренко"  
акциядорлик жамияти акциядорларининг  
2017 йил "24" июндаги умумий  
йифилиши қарори билан

**"Ховренко" акциядорлик жамиятининг "Акциядорлик  
жамиятида миноритар акциядорлар қўмитасининг фаолият  
қўрсатиши тартиби тўғрисидаги"ги  
Низоми**

Мазкур Низом Ўзбекистон Республикасининг "Акциядорлик жамиятлари ва акциядорларнинг ҳуқуқларини ҳимоя қилиш тўғрисида"ги Конунига ва Ўзбекистон Республикаси Вазирлар Маҳкамасининг 1996 йил 30 мартағи 126-сонли қарори билан тасдиқланган Ўзбекистон Республикаси Давлат рақобат қўмитаси хузуридаги Қимматли қоғозлар бозорини мувофиқлашириш ва ривожлантириш маркази тўғрисидаги низомга мувофиқ акциядорлик жамиятида миноритар акциядорлар қўмитаси (бундан буён матнда қўмита деб юритилади) фаолияти тартибини белгилайди.

## 1-БОБ. УМУМИЙ ҚОИДАЛАР

1. Мазкур низомда қуйидаги асосий тушунчалардан фойдаланилади:

**акциядорлик жамияти** (бундан буён матнда жамият деб юритилади) - устав фонди (устав капитали) акциядорларнинг акциядорлик жамиятига нисбатан ҳуқуқларини тасдиқловчи муайян миқдордаги акцияларга тақсимланган тижорат ташкилоти;

**акциядор** - акциялар мулк ҳуқуқи ёки бошқа ашёвий ҳуқуқ асосида тегишли бўлган юридик ёхуд жисмоний шахс;

**миноритар акциядорлар** - акциядорларнинг умумий йиғилишида иштирок этиши ва овоз бериши йиғилиш кун тартибидаги масалалар бўйича овоз бериш натижаларига таъсир ўтказмайдиган акциялар эгалари;

**кузатув кенгаши** - қонун ва акциядорлик жамияти устави билан акциядорлар умумий йиғилишининг ваколати доирасига киритилган масалалардан ташқари акциядорлик жамияти фаолиятига умумий раҳбарликни амалга оширувчи бошқарув органи;

**қимматли қоғозлар бозорини тартибга солиш бўйича ваколатли давлат органи** - Ўзбекистон Республикаси Давлат рақобат қўмитаси хузуридаги Қимматли қоғозлар бозорини мувофиқлашириш ва ривожлантириш маркази.

2. Қўмитанинг қарорлари жамиятнинг бошқарув ва назорат органлари томонидан бажарилиши мажбурий эмас, ушбу низомда назарда тутилган тартибда тегишли ҳужжатларни тақдим этиш тўғрисидаги қарорлари бундан мустасно.

Жамиятнинг акциядорларига тегишли бўлган дивидендлар тўланмаган тақдирда қимматли қоғозлар бозорини тартибга солиш бўйича ваколатли давлат органи мазкур жамият акциядорининг ёки қўмитанинг мурожаати асосида судга жамиятнинг зиммасига ушбу жамият барча акциядорларига дивидендлар тўлаш мажбуриятини юклатиш тўғрисида даъво тақдим этишга ҳақли. Бундай даъвони тақдим этиш ва кўриб чиқиш тартиби қонун ҳужжатларида белгиланади.

## 2-БОБ. ҚЎМИТАНИ ТАШКИЛ ЭТИШНИНГ ТАЛАБЛАРИ

3. Миноритар акциядорларнинг ҳуқуқлари ва қонуний манфаатларини ҳимоя қилиш мақсадида жамиятда уларнинг орасидан қўмита ташкил этилиши мумкин.

4. Қўмитани ташкил этиш мумкинлиги жамиятнинг уставида назарда тутилган бўлиши лозим.

5. Акциядорлар (акциядор) жамиятнинг молия йили тугаганидан кейин ўттиз кундан кечиктирмай, агар жамият уставида бундан кечроқ муддат белгиланмаган бўлса, акциядорларнинг йиллик умумий йиғилиши кун тартибига қўмита таркибига номзодлар бўйича тақлифлар кўрсатишга ҳақли.

6. Акциядорлар (акциядор) қўмитага ўzlари кўрсатган номзодлар рўйхатига акциядорларнинг йиллик умумий йиғилиши ўтказилиши тўғрисидаги хабар эълон қилинган санадан эътиборан уч иш кунидан кечиктирмай ўзгартишлар киритишга ҳақли.

7. Қўмита аъзоларини сайлаш тўғрисидаги қарор акциядорларнинг умумий йиғилиши томонидан бир йил муддатга қабул қилинади.

Қўмита таркибига сайланган шахслар чекланмаган тарзда қайта сайланishi мумкин.

8. Қўмитанинг аъзоларини сайлашда акциядорларнинг умумий йиғилишида ҳозир бўлган ва жамият кузатув кенгашига номзодлар кўрсатмаган ёхуд акциядорларнинг ўтказилаётган умумий йиғилишида кузатув кенгашига номзодлари сайланмаган акциядорлар иштирок этади.

9. Жамият бошқаруви аъзолари ва директори, шунингдек жамият кузатув кенгаши ҳамда, тафтиш комиссияси аъзолари (тафтишчиси) жамиятнинг қўмита аъзолари таркибида киритилиши мумкин эмас.

10. Қўмита аъзоларининг сони жамият устави билан белгиланиб, уч кишидан кам бўйлмаслиги, шунингдек умумий сони тоқ сондан иборат бўлиши лозим.

11. Қўмитанинг раиси ушбу қўмита таркибидан унинг аъзолари томонидан кўпчилик овоз билан сайланади.

### **3-БОБ. ҚЎМИТА ФАОЛИЯТИНИ ТАШКИЛ ЭТИШ**

12. Қўмита фаолиятини ташкил этиш мақсадида жамият ижроия органи раҳбари қўмита аъзоларига иш жойини, компьютер ускунасини, сейфни, телефон ёки факсимил алоқасини ажратган тарзда зарур меҳнат шароитини яратиб бериши шарт.

13. Қўмитанинг ваколатига қўйидагилар киради:

акциядорларнинг умумий йиғилиши ёки жамиятнинг кузатув кенгаши кўриб чиқиши учун киритилаётган йирик битимлар ва аффилланган шахслар билан битимлар тузишга оид масалалар бўйича таклифлар тайёрлашда иштирок этиш;

миноритар акциядорларнинг ўз хукуқлари ва қонуний манфаатларини ҳимоя қилиш билан боғлиқ мурожаатларини кўриб чиқиш;

қимматли қофозлар бозорини тартибга солиш бўйича ваколатли давлат органига миноритар акциядорларнинг хукуқлари ва қонуний манфаатларини ҳимоя қилиш тўғрисида мурожаатлар киритиш;

қонун хужжатларига ва жамият уставига мувофиқ бошқа масалаларни кўриб чиқиш.

14. Қўмитанинг мажлислари мунтазам равишида ўтказилади ва қўмитанинг таркибида сайланган шахсларнинг камидан тўртдан уч қисми ҳозир бўлганда ваколатлидир.

Қўмита раиси қўмита қарорида куни ва вақтини белгилаган тарзда миноритар акциядорларнинг ҳафталик қабулини ташкил этиши лозим.

15. Қўмита қарорлари оддий кўпчилик овози билан қабул қилинади ва йиғилишда иштирок этувчи барча қўмита аъзолари томонидан имзоланадиган баённома билан расмийлаштирилади.

16. Қўмитанинг бир аъзоси ўз овозини шу қўмитанинг бошқа бир аъзосига беришига йўл қўйилмайди.

17. Қўмита раиси қўмитанинг ваколати доирасига киритилган барча масалалар бўйича жамиятнинг маълумот ва хужжатларидан, шу жумладан, жамият тафтиш комиссиясининг (тафтишчисининг), аудиторлик ташкилотининг хулосалари ва ҳисоботлари, назорат қилувчи давлат органларининг текшириш далолатномалари, жамиятга ва унинг мансабдор шахсларига нисбатан чиқарилган суд қарорларидан, шунингдек аффилланган шахслар билан назарда тутилган битимларни жамиятнинг ижроия органи ва ички аудит хизмати томонидан ўрганиш бўйича баённомаларидан эркин фойдаланиш хукуқига эга.

18. Қўмита ваколатига кирадиган масалалар бўйича хужжатларни олиш тўғрисидаги қўмита раисининг сўровномалари ёзма равишида расмийлаштирилган ҳолда жамият ижроия органига тақдим этилади.

19. Жамиятнинг ижроия органи қўмита раиси томонидан сўралган хужжатларни ёки уларнинг нусхаларини 10 кун ичida ёхуд сўровномада кўрсатилган муддатдан кечиктирмаган тарзда тақдим этиши шарт.

20. Қабул қилиниб олинган хужжатлар қўмита раиси ва аъзолари томонидан фақатгина хизмат мақсадларида фойдаланилиши мумкин.

Қўмита аъзолари жамият ёки унинг фаолияти тўғрисидаги хизмат, тижорат сирини ёки қонун билан кўриқланадиган бошқа сирни ташкил этувчи ахборотни ошкор қилишга ҳақли эмас.

21. Қўмита ўзининг ваколатига кирган масалалар бўйича қабул қилинган қарорлар тўғрисида ҳар йили акциядорларнинг умумий йиғилишида ҳисбот беради.

### **4-БОБ. ЯКУНИЙ ҚОИДАЛАР**

22. Қўмита жамиятнинг хўжалик фаолиятига аралашишга ҳақли эмас.

23. Кўмитанинг фаолиятига жамият кузатув кенгашининг ёки ижроия организининг аралашувига йўл қўйилмайди.

24. Мазкур низомнинг талабларини бузганликда айбдор шахслар қонун ҳужжатларида белгиланган тартибда жавобгар бўлади.